

緘默況奉詞旨敢不上聞

宣詞

按如詞言丹誠懇切且等謹為沐浴五體澄煉六情依崇真謝聖之科祈注祿延祥之澤施壇列篆法地象天所齋鎮信供養之具證質丹誠以今日今時啓壇依儀行道至某日某時關奏上真請福延生祈恩謝過輒依齋法宿以啓聞恩惟

太上三清十方大聖垂神鑒映省覽所陳乞敕勒靈實官屬土地真官一合同心併力營衛掃蕩內外清淨壇場降伏妖魔滅滅邪祟使臣等心安神定思念立感啓奏御達善功成就無有空滯所願隨心且等雖佩正真參修大法處身五濁滌跡六塵三關未調六情放誕先憑禁戒然後登壇格降上真導迎靈賜上明

聞

十二願

復爐

十一

十

謹攝香官使者左右龍虎君侍香諸靈官當令臣向來靜夜行道之所自然生金液丹碧芝英百靈聚真交會在此香火爐前當願十方仙童玉女接待蘭煙傳臣向來所啓之誠速達徑御

至真無極大道

昊天玉皇上帝 御前

出堂頌

出戶

道門科範大全集卷之六十四

道門科範大全集卷之六十五六十六 六十七 同卷 啓九

三洞經 弟子仲勵修

真武靈應大醮儀

清旦行道

法事陞壇如式

各禮師存神如法

宣衛靈呪

青陽虛映 耀日回靈 神虎辟邪 飛天流鈴 推好滅兇 萬魔東形 九微回道 八威攝精 千真校錄 三元蕩清 左嘯中黃 右策六丁 七轉八合 周旋天經 聖化蕪魏 大道興行 慶雲流布 合景黃庭 亦與道合真

鳴法鼓二十四通

無上三天玄元始三炁太上道君太上老君 召出臣身中三五功曹左右官使者左右捧香驛龍騎吏侍香金童傳言散花玉女五帝直符直日香官合三十六人出出者嚴裝顯服冠帶垂纓闕啓玄壇土地方域神真且今清旦行道謹奏為宣意其諸情悃已錄告闕願得太上十方至真道炁靈寶瑞光下降流

入臣身中令臣所啓速達徑御

太上無極大道

昊天玉皇上帝御前

請稱法位

具位臣某與合壇眾官等謹同誠上啓

太上無極大道元始天尊太上大道君太上老君太上昊天玉皇上帝九皇上尊十方無極太上靈寶天尊已得道大聖眾至真諸君丈人三十六部尊經玄中大法師北極佑聖真武靈應真君三界應感一切真靈臣聞陰陽逆運惟北方負太陰之炁水火各莊獨真君為水位之精布政坎宮參功宸極成易物之終始司化機之翕張贊襄上帝之陶鈞總括百靈之機要或飛行於太空之內或表徇於五炁之天神旌舉而海岳動搖烝衝而雲雷振響杖氛電掃威令馳驅凡傾歸仰之心必荷昭彰之祐其潔瀾壇席延企馳游據精懇以欽承佇感靈之感格臣既承詞旨敢不上聞

宣詞

諦詳詞語灼見至誠不仗明威安臻載毅願納頌紫之薦俾依天地之仁藹瑞炁於層空霽為德澤扇靈風於闔宇廣布恩波罔有神恫迄無鬼責以今清旦行道請法眾等運茲初捻上香

願此香煙騰空徑上太清宮中供養

真武靈應真君所化之身金闕老君三清玉

皇上帝伏願隆大道以垂慈冠列真而敷佑

使邊燧徹警兵鋒不鳴在朝無欺君敗國之

臣四方有愛民保邦之吏永無寇亂同樂昇

平今故燒香自歸依

道尊大聖眾至真之德得道之後昇入無形

和與道合真

以今清旦行道請法眾運茲二捻上香

願此香煙騰空徑上北極太常府供養

真武靈應真君所屬武曲星君同北極眾聖

伏願示嘉應以宏敷煥靈芒而遠燭使醜主

某九先七祖不滯幽關見在親羅俱消罪目

宿世絕冤魂之累重陰除蒙訟之呼束勸群

魔之精斬滅六峯之鬼恢洪梵烝保佑斯人

今故燒香自歸依

經尊大聖眾至真之德得道之後昇入無形

和與道合真

以今清旦行道請法眾等運茲三捻上香

願此香煙騰空徑上神座供養

真武靈應真君伏願體金闕之明威為玉京

之元輔巡行有截斷滅不祥使醜官某坎宮

除險厄之虞水德著聰明之性研經有

素撲藻無雙早階騰任之華便躡亨衢之峻

不修靈根堅固性識高明出入起居固有外

邪之滌寢與食息永無時疾之嬰災遂永消

善隨日長有官奮揚騰任踏厲高真驟膺遷

陟之榮上結顯昂之眷四海望經綸之業百

僚仰方重之儀今故燒香自歸依

師尊大聖眾至真之德得道之後昇入無形

和與道合真

重稱法位

具位臣某與合壇眾官等謹重誠上啓

太上無極大道元始天尊太上大道君太上

老君太上昊天玉皇上帝九皇上尊十方無

極太上靈寶天尊已得道大聖眾至真諸君
丈人三十六部尊經玄中大法師北極佑聖
真武靈應真君三界應感一切真靈臣聞
仙霧於層階獲降時乘之駕啓靈場於淨館
有疎肅設之嚴盡小己之寅恭荷威神之臨
鑒重念醜官其涉道甚淺稟生多艱浪煩造
化之功無補聖明之旦聞關世路險阻備嘗
汗蕩歷容姓名弗著常懼或爲學始勤而終
怠或履世多過而寡功或命曆之不遐或福
基之不厚七月十五太上說經之辰三月初
三真君降生之日有虧醜祭實負兢惶甲子
庚申禱祈踈禮七元四聖崇奉愆期虔獻穢
以爲常啖葷辛而罔擇臨喪弔而近死烝隨
習俗而觀邪風或認倘來之榮縱恣而殃連
上祖或恃一門之富驕淫而罪紀陰官非法
貪財違道干進皆自今而悛革庶復祐於神
明伏願俯鑒沖誠廣敷道蔭使齋官其門庭
榮盛福祿增延子孫蕃衍而克昌夫婦諧和
而借老倉箱歲益金帛日增永消不測之災
長保無疆之壽弟子臣茶重念邪正不兩立

善惡不並行因淑世之教衰致宵行之鬼威
崇道者少信邪者多緣細民之貪心欲小家
之暴富諂事耗鬼剽奪里居飽腥血於餓腸
示變惟於暮夜或自空而擲瓦石或乘後而
盜資財或戲謔陰人往往而鬼胎非露或剋
害小口時時而變證驚癩或吹口作聲而呼
人姓名或扣戶趨門而擾人居止或般糞穢
而狼籍或隨盤合而留連或託夢寐以相傳
或引先亡而作祟或示財而見悅或放火而
相驚凡茲至賤之妖邪頗覺盛行於人世無
幽不察願馳流火之鈴有罪必誅無惜巨天
之戮行太上之命振真君之威敢有土地之
停留先遣陰兵而誅斬絕百邪之橫害濟羣
品以康寧魔精滅而火死灰飛災難祛而雲
消霧散羣心仰祝大庇是依上明
天尊大慈之澤下副臣等皈向之誠謹啓以
聞

十二願
復爐

謹攝香官使者左右龍虎君侍者諸靈官當

今臣向來清旦行道之所自然生金液丹碧
芝英百靈眾真交會在此香火爐前當願十
方仙童玉女接待蘭煙傳臣向來所啓之誠
速達徑御
至真無極大道
昊天玉皇上帝御前

出堂頌
出戶

道門科範大全集卷之六十五